

NAPOLEONI MAGNO

EPIGRAMMATA



NEAPOLI MDCCCVIII.



APUD SANCIAOMO.



5

Quae nam referri grata benefactis tuis ,
O SUMME PRINCIPUM , potuissent munera ?
Quae cura Patrum certet et Populi , tuas
Efferre virtutes in aevum ? seu libet
Ex aere statuas , seu tropaeis carmina
Perenniora sit placitum decernere ?
Tyrannidis Perdomitor , et Regum Dator ,
Pacator Orbis , atque Populorum Pater ,
Bellantibus Tremendus , in victos Clemens ;
Qua sol quadrigas in novum cursum citat ,
Et qua iugo diduxerit fessos equos ,
Ferere seris nobilis nepotibus .

Dilecta Magnis Dīs Parthenope daedala ,
Opumque pollens olim , et artium ingenī ;
Mox Barbarorum vi quota magis die
Gentem ingruente latius per Italiam ,
Contabuit , revincta dura compede
Regina mancipata servitudini ,
Quos Virgo votis , ominibus , multa et prece
Deos fatigas vindices ? Extempulo ,
Solis uti rostem nube dispulsa jubar ,
Affulsit hemisphaerio NAPOLKON .
Hinc virtus expergiscitur ; dehinc saeculum
Redibit aureum per arva Oenotria ,

U
tcumque nisus temperabis alitis
Diri ministrae fulminis, Victoria
Te semper anteit, redimite laurea
Auguste, Gallici grande decus Imperi:
Sensere campis nuper Austerlitiis
Moschi feroces, et Danubium qui bibunt;
Cum praelio commisso, utrimque fortiter
Nec dimovere statu, nec ora vertere.
Tunc qualis Aquilo Dauniae per aequora,
Cum saevit, invertit segetes; sic agmina
Ferrata vasto diruis impetu, viris,
Armisque, equisque Victor insternens humum;

At tot triumphis, Imperique nomini
Perjura pactis deerat Neapolis,
Invicte CAESAR. Mox tui simillimum
Virtute Fratrem animoque; ceu Magni Jovis
Ultrice tortum dextera fulmen, tuo
Immittis auspicio in agrum Samniticum:
Heic perduelles praecipitem in fugam ruunt;
Qua qua sinu excipit Thetis Trinacriden.
Io Triumpho! Io JOSEPHO! Regia
Inanes facta te manet, procedito;
Io Triumpho! Te Dii servent, io!
O Magne Rex, perfunctis vicibus Herculis:

JOSEPHE , dulcis cura Parthenopes , viden ,
Ut faustum in adventum tuum renideat ,
Squalore abacto , et mentis aegritudine !
Jam nunc Paterque Liber , et flavens Ceres
Extensiora rura per te nutriunt .
Jam nuda Veritas , Fidesque candido
Velata panno , Regiae assident tuae ;
Ubi excubuerant heu ! Fraus , et Mendacium ;
Diu exultantem tu reducis huc Themis ;
Et Poena Culpas odonat jugis comes .
Phoebus relicto Helicone , circum oloribus
Musisque fusus , hanc sedem laetam adpetit .

At te JOSEPH jam tenente Regiam,
Te Patre, te rei Custode publicae;
Quis vel latronum copias nefarias,
Quot quot Sicana exponit impotentior
Rabies in Apulo, Calabroque litore;
Vel fraudulenta quos struit Britannia
Dolos, et artes expaveat piraticas?
Quem terreat Philipstadius, audacior
Et arce munita, et praesidio Tethyos?
Quae liberae devota morti pectora
Mactabit impius Nelson Tyrannidi?
Eheu nefas! Heu posterì negabitis!

Regnare Caelo credimus pavidì Jovem;
Magna tonantem dextera, Titanio
Clarum triumpho. Mars ferox habebitur
Augustus, aegide indurus adamantina,
Ruens tremendo, quaque fertur, impetu
Quos Padus alluit, et Nilus, Ister, Vistula :
At neve Pallas, neve fervens Lemnius,
Sagittifer neu Phoebus, ut quondam Patri,
Tibi adfuere, Maxime o NAPOLEON .
Virtute sed tua comite hostes proteris :
Virtute comite, ut Hercules, ut Castores,
Perambulabis astra sidus aureum .

Demisse ab Alto ; Mars suas, vel Delius ,
Vel cui Deorum Jupiter partes dedit ,
Ut Magnus in Terris agat NAPOLEON ;
Invicte CAESAR , divides cum ipso Jove
Jam nunc imperium Orbis . Regat ille tempora ,
Et siderum orbitas, et astra errantia ;
Curru is gravi quatiat Olympi fornices :
Dum cuncta Terrarum subacta , nomini
Obtemperent late tuo . Minantium
Dum tu Tyrannum obtorta colla maximo
Raptas triumpho . Vota dum mortalium ,
Precesque placido prosequaris numine .

Abesto vulgus hinc prophanum, carmina
Dum sacra pando. Quo ruis nefaria?
Furorne coecus, anne vis potentior
Te corripit scelus per execrabile?
Tunc ausa Maximum Jovem facessere!
Tonanti ab arce tunc deturbaveris,
Cui parer Orbis, quique calcas sidera!
Favete linguis; Pythius me concitat.
Acerba te manent fata, Oceanitide,
Quae neve multa classe declinaveris,
Neu stirpe Dia. Vindici icta fulmine,
Pelleris umbra tristis in Acherusiam.

Jam nunc canorum temperare barbiton,
Flexis decebit fidibus ad graves modos.
JOSEPHUS, alto qui segaris hostibus
Invectus est triumpho in aulam Regiam,
Hinc evocatus post bicunio, petit
Beatiora Regna. Eho! quid invides,
Ibere, nobis optimum Regem et Patrem?
Heic lege sacrata rem statuit publicam,
Sanctum Consilium Patrum, Equestrem et Ordinem.
Heic fornicatas maximo molimine
Substruxit et vias, et opera ingentia.
Ah fluxa, fluxa temporum felicitas!

At at quid hoc portendit ominis ? polum
 Nova repente luce dextrum fulgurat !
 Fallor ne ? ludor amabili anne insania ?
 Sic est, accipio : Jovi sacrata ex arbore ;
 Quae luxurianti ad astra tendens culmine,
 Quaecumque ramis protegit paten:ibus
 Terras et humanum genus ; germen novum,
 Fato annuente, consilioque Caelitum,
 Est latifundis consitum Sebetiis .
 Salveto cura Maximi Siren Jovis ;
 Esto Deorum macta iterato munere,
 Qua Sirius urit, qua riget Septemtrio.

Augustus en JOAKIN Augusta e Domo
Sirenis almae complet vacuam Regiam .
Exaudiere vota Dî communia ,
Suscepta rursum exaudiere vota Dî ,
Io triumphe ! Plaudite omnis Civitas .
O fortis , ac ubique victor hostium ;
Seu rem pedestri Marte , seu ferox equis
Te gesserit miles Duce ; huc maturius
Accurre ; nostra quid moraris gaudia ?
Heic ilici amabis Rex Paterque Civium ;
Heic heic tropaea , bellicamque gloriam
Lauro decorus augeas Sicania .

D. N. M. Q. E.

C. J.

